

# Sin ils fastizs da Benedetg Dolf

Emna da chant ad Andeer per scuvrir las chanzuns dal cumponist da Schons

■ (isg) **Tranter ils 11 ed ils 17 d'avust ha lieu ad Andeer in curs emnil per sa deditgar da chant e musica da Benedetg Dolf che cumpleniss quest onn ses 100avel anniversari.** Il curs sa drizza a chantaduras e chantadurs che chantan cun passiu chanzuns rumantschas e tudestgas. Ils 2018 pudess l'impurtant cumponist grischun festivar ses 100avel natalezi. Cun quella ocasiun vegn organisà in'emna da chant en la vallada nativa da Benedetg Dolf: En Val Schons cun tut sia ritgezza da baselgias, suns e tuns ed istorgias. Il curs da chant vegn manà dals conaschunts dirigents da chors *Cristina Marugg* e *Luzius Hassler* cun assistenza dad *Ingrid Schütz Gasparini*. Da cuminanza cun els po vegnir scuverta da nov l'ovra musicala da Benedetg Dolf, tant las chanzuns sco er la musica da chombra. Da l'otra vart vegn visità lezs lieus che han inspirà Benedetg Dolf da stgaffir sia ovra cumpositorica sco per sumeglia il Libì, il vitg da Maton sin la Muntogna da Schons e la renumada baselgia da Ziraun.

## In program per ambiziunads e per passionads

Il program da l'emna da chant sa drizza tant a chantaduras e chantadurs ambiziunads sco er a tals che chantan be per il bainpla-

schair. Tgi ch'elegia il program entir absolve enfin treis provas per di ed ha uschia l'ocasiun da far encunuschientscha intensiva cun l'ovra da Benedetg Dolf. Tgi che vul dentant be sagiar a la curta questa musica po far part mo da las provas da sonda e dumengia saira. Las provas han lieu en la chasa da scola ad Andeer.

En l'arranschament commemorativ, che ha lieu a chaschun dal 100avel anniversari da Benedetg Dolf a Maton ed in concert respectiv a Cuira, vegn represchentada musica raramain udida da Dolf. Il concert final da l'emna da chant ha lieu la gievigia dals 16 d'avust en la baselgia da Ziraun.

## Manadras e manader

Ils manaders da l'emna da chant «Benedetg Dolf» èn *Cristina Marugg*, *Ingrid Schütz Gasparini* e *Luzius Hassler*.

*Cristina Marugg* ha studegià chant, musica da scola e musica sacrala a la Scola auta da Lucerna, tar la Societad Svizra da pedagogia musicala ed en conservatoris en l'Italia. Ella ha absolvi il diplom da cantora a la Scola auta da Turitg. Ella maina ed organischescha regularmain concerts cun chors ed orchesters en diversas furmazions. *Cristina Marugg* instruescha chant solistic, dat curs

per scolaziun da la vusch ed organischescha lavuratori da chant en collavuraziun cun divers chors e gruppaziuns e sepreschenta sco solista.

*Ingrid Schütz Gasparini* ha absolvi la scolaziun da scolasta primara e magistra da chant. Ella stat a disposiziun per la scolaziun da la vusch individuala durant l'emna dal curs.

*Luzius Hassler* ha studegià al Conservatori ed a la Scola auta da musica a Turitg. El ha terminà sia scolaziun musicala sco dirigent per chors, organist e musica da scola. Ultra da quai ha el absolvi il studis da chant solistic. El è era s'engascha sco docent al Seminari scolastic da Cuira, pli tard a la Scola auta pedagogica dal Grischun, nua ch'el s'occupava per la furmazion chantica da las persunas d'instrucziun. Sco dirigent da divers chors sco per exempel il Chor viril Surses u l'Ensemble vocal grischun è el adina s'engaschè activamain en favur da la musica choral.

**L'annunzia per l'emna da chant ad Andeer è da drizzar ad *Ingrid Schütz Gasparini*, *Veia Granda 82, 7440 Andeer*, 079 305 40 25, u [singrid@bluewin.ch](mailto:singrid@bluewin.ch) u directamain sin la pagina da [www.benediktldolf.ch/singwoche-august/ anmeldung](http://www.benediktldolf.ch/singwoche-august/ anmeldung), nua ch'ins chatta anc ulteriuras infurmaziuns davart l'emna da chant e l'onn giubilar da Benedetg Dolf.**



**Luzius Hassler, enconuschider da l'ovra da Benedetg Dolf, en cumplaina acziun.**



**La chantadura Cristina Marugg, con-manadra da l'emna da chant.**

FOTOS MAD

## Benedetg Dolf (1918–1985)

Benedetg Dolf appartegna als pli impurtants cumponists grischuns e tuttina n'è el betg enconuschent sco che sia ovra meritass quai. Quella cumpiglia tranter auter chanzuns per chors, per solists, en linguatg rumantsch e tudestg, sco er musica instrumentala ed orchestrala, musica per orgla, tala per musicas da chombra, musica per films e gieus auditivs.

Sco feigl dal cumponist e collezziunader da chanzuns da Schons *Tumasch Dolf* è Benedetg già

baud vegnì en contact cun chant e musica. Però sia emprima clama da era quella dal plevon avant ch'el è sa deditgà cumplainamain dal studi da la musica a la Scola auta a Turitg. Ils 1952 ha el terminà ses studis musicals a Turitg nua ch'el aveva studegià clavazin en il rom principal e plinavant frequentà curs da cumponer tar *Paul Müller-Zürich*. El ha er frequentà prelecziuns tar *Paul Hindemith*.

Ils 1957 è Benedetg Dolf diventà magister da musica per cla-

vazin ed orgla al Seminari scolastic da Cuira, ed il medem onn ha el obtegnì il diplom sco pianist da concert. Ultra da sia occupaziun pedagogica e ses engaschament en diversas cumissions ed organizaziuns cumponeva el cun gronda savida e perseveranza. Enfin sia mort ils 1985 è naschè in grond dumber dad ovras da tuts genres musicals. In da ses scolars è il dirigent da chors *Luzius Hassler*, pli tard ami dal cumponist, magister da musica e dirigent da chors.